



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's Affairs

Broj: 06-11-38433-8/25
Sarajevo, 14.10.2025. godine

Na osnovu čl. 64. stav 1. tačka (b) i 70. st. 1, 3. i 6. Zakona o javnim nabavkama BiH („Službeni glasnik BiH“, br. 39/14, 59/22 i 50/24), Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 14/23 i 17/23), na preporuku Komisije za javnu nabavku broj: 06-11-38433-6/25 od 09.10.2025. godine, u postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2025. godinu - uz primjenu E-aukcije, Ministar za boračka pitanja Kantona Sarajevo, donosi,

O D L U K U

**o izboru najpovoljnijeg ponuđača za javnu nabavku:
Nabavka, transport i isporuka građevinskog materijala
za pripadnike boračke populacije Kantona Sarajevo za 2025. godinu
Otvoreni postupak uz primjenu E-aukcije
JRJN: 44100000-1 (Građevinski materijali i pridruženi artikli)**

Član 1.

Prihvata se preporuka Komisije za javnu nabavku: Nabavka, transport i isporuka građevinskog materijala za pripadnike boračke populacije Kantona Sarajevo za 2025. godinu broj: 06-11-38433-6/25 od 09.10.2025. godine o izboru najpovoljnijeg ponuđača i Okvirni sporazum za predmetnu javnu nabavku dodjeljuje se ponuđaču „SENIGOR“ d.o.o. Sarajevo, ponuda broj: 06-11-48251/25 od 03.10.2025. godine, za ponuđenu cijenu nakon provedene E-Aukcije u iznosu 889.000,00 KM bez PDV-a, odnosno 1.040.130,00 KM sa PDV-om.

Član 2.

Prijedlog Okvirnog sporazuma o nabavci dostavit će se na potpis izabranom ponuđaču „Senigor“ d.o.o. Sarajevo po protoku roka od 15 dana, računajući od dana od kada su svi ponuđači obaviješteni o izboru najpovoljnijeg ponuđača.

Član 3.

Za izvršenje ove Odluke zadužuje se i ovlašćuje sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo.



Član 4.

Ova Odluka objavit će se na web-stranici Ministarstva za boračka pitanja Kantona Sarajevo www.mbp.ks.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

O b r a z l o ž e n j e

Postupak javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2025. godinu pokrenut je Odlukom o pokretanju postupka broj: 06-11-38433/25 od 04.07.2025. godine, putem otvorenog postupka uz primjenu E-Aukcije u skladu sa Pravilnikom o uslovima i načinu korištenja E-Aukcije („Službeni glasnik BiH“, broj 80/23). Procijenjena vrijednost javne nabavke je 1.181.540,00 KM

Krajnji rok za dostavljanje ponuda iz tenderske dokumentacije objavljene na Portalu javnih nabavki zajedno sa Obavještenem broj: 920-1-1-6-3-10/25 je bio 03.10.2025. godine do 10.00 sati, dok je javno otvaranje ponuda zakazano isti dan u 11.00 sati.

Komisija za javnu nabavku: Nabavka, transport i isporuka građevinskog materijala za pripadnike boračke populacije Kantona Sarajevo za 2025. godinu imenovana Rješenjem ministra broj: 06-45-40945/25 je dana 03.10.2025. godine u 11.00 sati izvršila javno otvaranje ponuda po otvorenom postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2025. godinu.

Na javnom otvaranju ponuda nije bilo prisutnih predstavnika ponuđača, a što je evidentirano u Zapisniku o otvaranju ponuda broj: 06-11-38433-4/25 od 03.10.2025. godine i isti je svim ponuđačima dostavljen u zakonskom roku.

Prilikom otvaranja ponuda utvrđeno je da su blagovremene ponude dostavila ukupno četiri ponuđača sa ponuđenim cijenama kako slijedi:

Redni broj	Ponuđač	Vrijednost ponude (bez PDV-a)	Vrijednost ponude sa popustom bez PDV-a	Popust	Vrijednost ponude sa popustom sa PDV-om
1.	Almy d.o.o. Zenica 4218149030000 ponuda broj: 06-11- 48101/25	1.180.524,97 KM	1.180.524,97 KM	0%	1.381.214,21 KM
2.	KIMEEL d.o.o. Sarajevo 4201509550000 ponuda broj: 06-11- 48245/25	1.181.519,09 KM	1.181.519,09 KM	0%	1.382.377,34 KM
3.	Senigor d.o.o. Sarajevo 4200909100007 ponuda broj:	1.181.116,08 KM	1.181.116,08 KM	0%	1.381.905,81 KM



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

	06-11- 48251/25				
4.	Pennyplus d.o.o. Sarajevo 4200162210002 ponuda broj: 06-11- 48254/25	1.131.185,43 KM	1.131.185,43 KM	0%	1.323.486,95 KM

Nakon javnog otvaranja ponuda, Komisija za predmetnu javnu nabavku je na zatvorenoj sjednici pristupila pregledanju i ocjeni pristiglih ponuda.

Tokom evaluacije ponuda Komisija uvijek vrši i računsku provjeru prema jedničnim cijenama (koje se smatraju nepromjenjivim) i predviđenim količinama navedenim u Obrascu za cijenu ponude-robe (Aneks 1).

Evaluacijom i provjerom blagovremeno pristiglih ponuda kod ponuđača Kimeel d.o.o. Sarajevo je uočena greška prilikom popunjavanja obrasca za cijenu ponude, (Aneks 1).

Utvrđeno je da uopće nije unesena jedinična cijena za artikl broj 14 „Tuš baterija (topla+hladna, kuglična)“ u okviru grupe materijala VIII SANITARNI UREĐAJI I GALANTERIJA čime nije ispunjen zahtjev iz tenderske dokumentacije da se za svaku stavku u ponudi mora navesti cijena, a što je eksplicitno navedeno u obrascu.

Obzirom na suštinsku neispravnost obrasca nije traženo pojašnjenje cijena koje je pogrešno izračunato za više artikala (ukupna cijena bez PDV-a nije pravilno unesena).

Obzirom na naprijed navedeno Komisija je zauzela stav da ponuda ne ispunjava uslove iz tenderske dokumentacije, ista je ocijenjena nepravilnom, te je ponuđač Kimeel d.o.o. Sarajevo isključen iz daljeg učešća u predmetnoj javnoj nabavci.

Nakon okončane detaljne analize blagovremeno pristiglih ponuda zakazana je E-Aukcija za dan 09.10.2025. godine u 11.00 sati u trajanju od 20 minuta na kojoj su pravo učešća imali ponuđači koji su dostavili blagovremene i potpune ponude i to:

- Pennyplus d.o.o. Sarajevo – 1.131.185,43 KM bez PDV-a
- Almy d.o.o. Zenica – 1.180.524,97 KM bez PDV-a
- Senigor d.o.o. Sarajevo – 1.181.116,08 KM bez PDV-a

Nakon okončane E-Aukcije, dana 09.10.2025. godine u 11.50 sati godine dostavljen je Izvještaj Agencije za javne nabavke BiH sa rang listom ponuđača koji su učestvovali na E-Aukciji kako slijedi:

1. Ponuđač Senigor d.o.o. Sarajevo – konačna cijena nakon E-Aukcije iznosi 889.000,00 KM bez PDV-a,

2. Ponuđač Pennyplus d.o.o. Sarajevo – konačna cijena nakon E-Aukcije iznosi: 890.000,00 KM bez PDV-a

3. Ponuđač Almy d.o.o. Zenica E Aukcijom nije snižavao ponuđenu cijenu te je ista ostala 1.180.524,97 KM bez PDV-a

U skladu sa konačnim ponuđenim cijenama ponuđača nakon okončane E-Aukcije, Komisija je zauzela stav o prihvatanju ponuđene najniže cijene ponuđača Senigor d.o.o. Sarajevo u iznosu od 889.000,00 KM bez PDV-a, odnosno 1.040.130,00 KM sa PDV-om.

Na osnovu zapisnika o ocjeni ponuda Komisija za predmetnu javnu nabavku je sačinila preporuku ministru kao predstavniku ugovornog organa o izboru ponuđača Senigor d.o.o. Sarajevo sa ponuđenom cijenom nakon okončane E-Aukcije u iznosu od 889.000,00 KM bez PDV-a, odnosno 1.040.130,00 KM sa PDV-om o čemu je sačinjen i Izvještaj o radu.

Konačnu odluku donosi ministar.



Komisija je po ovom predmetu javne nabavke održala ukupno 4 sastanka.


Prema zapisnicima, preporuci i izvještaju dostavljenim od strane Komisije za javnu nabavku u postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2025. godinu, ocijenjeno je da je izbor prvorangiranog ponuđača „Senigor“ d.o.o. Sarajevo sa ponudnom cijenom nakon E-Aukcije u iznosu od 889.000,00 KM bez PDV-a, odnosno 1.040.130,00 KM sa PDV-om izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama BiH, te Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, br. 14/23 i 17/23), odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi u najmanje 3 (tri) primjerka.



Dostaviti:

1. Ponudačima x4;
2. Evidenciji;
3. a/a.